

آبونه شرائطی

ممالك عثمانیه ده سنه لکی (۶۵)، الق
آیلغی (۳۵) غروشدرد .
ممالك اجنبیه ده سنه لکی (۱۷)، الق
آیلغی (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلی پشندر .

§

مملکه موافق آثار مع الممنونیه قبول
اولنور . درج ایمله بن یازیلر احاده
اولونماز .

الکشاف

سیر ۱۳۳۰

دینی ، فلسفی ، علمی ، ادبی ، سیاسی هنرته لق مجموعه اسلامیه در .

والله یهدی من یشاء الی صراط مستقیم

صاحب و مدیر مسئول : ع . اشرف اریب

اتبعون اهدکم سبیل الرشاد

اخطارات

رساله مزهدن آلمدیغی کو - ترمک شرطیله
یتون یازیلر هر هانکی بره زنه طرفندن
اقتباس اولونه بیلیر .

§

مکتوبلرک ، امضالرک واضح و اوقوناقلی
اولمسی و آبونه صره نومروسی محتوی
بولومسی لازمدر .

§

ممالك اجنبیه ایچون آبونه اولانلرک
آدرسلرینک قرانسزجه ده یازلمسی دجا
اولنور .

§

پاره کوندرلدیکی زمان نه یه دائر اولدیغنک
واضعا بیلدیلمسی دجا اولنور .

خلاصه قوفه رانس پک کوزل بر صورتده ختام بولدی . انجمنده بولنان بز عثمانلیلری هرکس اوپوب، قوجاقلایوردی .
صوکره بوفیه کیدلدی . حقیقه محرماتدن بشقه (مالشهی الاعین وتلذالانفس) هپ موجودایدی .

شونی اونوتمه دن سویلیه یمکه، مولانا شبلی نعمانی حضرتلری مؤثر قصیده سنی تلاوت ایتدیکی زمان، بن، بزم محمد عاکف پک افندی حضرتلرینی تخطر ایدیوردیم . اونک بوراده اولسنی، حتی اوچوبده اثبات وجود ایلسنی ارزو ایدیوردیم . بز عثمانلیلرکده، اوپله خطیب وفاضلره مالک اولدیغیمز کوسترمک ایتدیوردیم . قوفه رانس نهایتنده خطیبلره، حضارک ایلرو کلنلرینه غائبانه اوله رق مشارالیه حضرتلرینک مزایاسنی عرض ایتدم .

هیئت، بهوباله بوصباح کیتدیلم . اورادهده نطقلر، قوفه رانس لر و یروب، دهلی یه کیده جکلردر . دهلی دهده کندی مشهوداتلرینی خلقه بیان ایده جکلری شبهه سزدر . هندستانده بو هیئتک نطقلریله، طوغری سوزلری سایه سنده عثمانلیلره حکومتز ایچون ای بر حسن نظر وتوجه حاصل اولمشدر . بورایه تعیین اولنان بکی باش شهیندر خلیل خالد پک امید ایدرمکه، بو جریاندن استفاده ایدر . شهیندر مزله، شهیندر خانیه ی بورا مسلمانلری نظرنده ده منتظم و مرفه کوسترمک ایچون حکومتز بر آرز ده تخصیصات ویرمیلدر . شهیندر یایان کز ماملیدر . هر حالده بر اوتوموبیلی اولمی، سفره سی آچیق بولمیلدر . حال حاضرده کی تخصیصات اوقدر کافی والویریشلی دکلدرد . هندستان مسلمانلری (ده موقرات) دکل، هپ اریستوقراطدرلر . بناء علیه کندی مذاقیرینه توافق ایتیان حرکات وسکنا تمزدن ممنون اولزلرسه، بز آنلردن استفاده ایده میه جکزد . برقاج دفعه بونلری یازدم . مع التأسف بر درلو تأثیر کورمدم . صوکره سائر یرلردهده مقتدر، عفیف، لسان آشنا شهیندرلره محتاجز .

هندستان : بومبای س . م . توفیق

ادرنه مکتوبلری :

۳

جامعدن چیقدقن صوکره علما ایلر بر آرز کوروشک ایسته دک . هارون افندی نامنده ذکی، جداً مقتدر آلائی مفتیسی بر ذات محترمه تشریف ایتدک . محاربه نک باشلانجندن، ادرنه نک محاصره زمانندن اعتباراً بلغارلرک دخوله، بالآخره عثمانلیلر طرفندن استردادینه قدر بتون وقایعک ایچ یوزلرینی بو ذات محترمدن دیکله دک . استرداد زماننه قدر حزن واسفله مالی اولان بو تفصیلاتک شمیدیک صحائف مطبوعات انتقائی مناسب کورم یورز . چونکه بو معلوماتک صیغنه جفی سینه، مطبوعات صحیفه لرندن زیاده، دیوان حرب ضبط نامه لری در .

۴

عون حقه تأسس ایدن حکومت اسلامی ارکاتیه ده زیارت ایتمکله مباهی اولقی ایسته دک . جداً بر اسلام والیسی اولان حاجی عادل پک افندی قرق کلیسایه

عزیمت بیوردقلری جهته مکتوبچی بکک اوپه سنده بر آرز استراحت ایتدک . بر آرز کینجه صاریقلی ایکی ذات محترم کلدی . حاکم ایلر مفتی حضرتلری اولان بوذوات ایلر کوروشدک وجناب حقه شکر ایتدک . حاکم افندی حلیم، سلیم بر ذات محترم . مفتی افندی حضرتلری ایسه پک خوش بر ذات عالیقدر . اکربونون مقتیلر مز بویله ایسه مسلمانلرک حالا غفلت اوپوسندن اویانه ماملرینه شاشیلر . یالکیز مفتی افندی حضرتلرینک بو طلاق و عرفاتی نه درجه یه قدرامت اوغورنده صرف ایتدیکی بالطبع بزجه مجهولدر . مفتی افندی، ظلملرینی اکتافله بتره مدیکی بلغارلرک ملت و وطنپرورلرکیرینک حیرانی اولدیغی ده کیزله میور و : « بعضاً انسان دشمنده درس آیرمش ! » دیه بو استیلا دن کندیسنجه بر حصه انتباه چیقاردیغی ده سویله یور .

ادرنه نک استخلاصندن امیدلر منقطع اولونجه مفتی افندی استانبوله کلکه نیت ایدر . بالطبع خرسیتان حکومتندن اذن آلتقی لازم . والی معاوننه کیدر . معاون آلتش یاشندن فضله اختیار بر بلغار . — نه ایسترسکز ؟ دییه صوراز . اللری قاووشان مفتی افندی حضرتلری : — استانبوله کتمک ایچون مساعده بیورمکزی رجایه کلدیم، دیر . اووقت اختیار بلغار النده کی کاغدی یره بر اقره رق مفتی افندی یه شو درسی ویرر :

— باقکیز مفتی افندی، بن آلتش یاشندن فضله زنکین بر بلغارم . حکومت مأموریتنه هیچ احتیاج یوق . فقط ملتیه خدمت زمانی کلنجه هر درلو استراحتی ترک ایدرک بورالره قدر کلدیم . سز ایسه بو قدر زمان برلکده یاشادیکنز ملتکزی بر اقره رق کتمک ایسته یورسکیز، خدمت زماننده خدمتدن قاجیورسکیز .

مفتی افندی دیور : — حریف بویله دینجه صیفلم ، اوتاندم، انصاف ایتدم، دشمنلر مژک فداکارلغی او زمان آکلادم . نه اولورسه اولسون ماو جهنم حیانتنده مظلوم اسلام قارداشلرم ایلر برابر ترک حیاته قرار ویردم ...

حکومتدن چیقدق، کیدیورز . قارشوده بر غلبه ک . عسکر ، اهالی طوبیلاش؛ دیواره یایشان بر بیاننامه یی اوقویورلر . بزده اوقودق : « ضابطان و افراد ومنسوبین عسکریه مسکرات صاتانلردن اون بئش لیرادن اشاغی اولماق اوزره جزای نقدی اله جقدر . — امضا : قوماندان . » بو بیاننامه نک نشرینه سیبیت ویرن ضابطانه بزلر صوکره درجه متأسف اولدق، بوتون ملتده متأسف اولسون .

بئش، اون آدیم اوتنده طانیقدق بر ضابط تصادف ایدرک بزی تسلیه ایتسه ییدی، بویوک بریأس وفتور ایچنده قاله جقدق . بزم تأسفمه قارشی ضابط افندی تلاشز جواب ویردی :

— اوپله ظن ایتیه کیز، ضابطلر مژک هان جمله سی حیتلی و دینداردر . اوقییل کیمسه لر هر ملتده، هر صنف خلق آره سنده بولنور . بوندن او ملتک، اوصنفک هیئت عمومیه سی حقنده بدین اولقی اقتضا ایتز . انور بک سفر بر ضابطان آره سنده بویله نامردلرک بولونه جفی خبر آلدیغی زمان کدرندن ، اسفندن آغلادی، کوزلرندن یاشلر دوکولورکن، آغزندنده شو سوزلر دوکولدی : « یارب بزم قبلر مژه ایمان و صلاح ویر . ». اوت بر اسلام اردوسی آره سنده مغایر دیانت وحیت حرکتده بولونه جفی بر فردک بیله بولوناماسنی کوکل آرزو ایدر . فقط، مع التأسف اولیور . مسلمانلرک بو اخلاق دوشکونلکی زماننده اردوی اسلامک اکثریتک دیندار و عفیف اولمی امین اولکیزکه پک بویوک بر مظهریتدر .

— اوپله ایسه بنده انور پک کبی تمی ایده جکم : الله جمله مژه ایمان و صلاح ویرسون .

— سز انور بکک قطعه سنده میسکیز ؟

— اوت اونک قطعه سنده، همده دائماً برابر .

— اوحالده ادرنه یه ایلک کیزمک شرفنه سزده مظهرسکیز .

— الحمد لله. او شرفه مظهر اولدق. فقط ابتداء بويوك صفتيلر كچيردك. الله محافظه ايتسون، آرز قالدی انوری غائب ایدیوردق. اردونك میده. اینوز خطنده توقی اوزرینه انور بکه عصی برخسته لك كلدی. کیتدکجه اشتداد ایتدی. نهایت برکیجه اولدی که اوچ دوقتور صباحه قدر انورك باشی اوجنده، امیدلر متزلزل، بکیدی. نه دیرسکیز! حرکت امری کتجه فرداسی کون این اولمادی؟ هیچ برشیقی قالمادی. هیمز شاشدق، قالدق.

— الله بويوكی بوتون حیثیتی و دیندار ضابطلر مزه اوزون عمرلر ویرسون.

— ناصیل، یولده بلغارلرله مصادماتده بولوندی کیمی؟

— اوفق تفك مصادمه لر اولدیسده اهمیتلی مصادمات اولمادی. فقط کاشکه اهمیتلی اولایدی ده اردو مزك ناموسی تمیزله نیدی. بز ضابطلر بو تعلیم کورن عسکر ایله بر محاربه یا نه بی پك آرزو ایدرز؛ باقم الله نصیب ایدم کیمی؟.. هله شو وحشی بولغارلردن اسلامك انتقامی آله بیلسهك... نه ملعون حریفلر ایمش. پایدلری شناعتلرك، جنایتلرك یا نلرینه قالمایه جفته کندیلرینه ده قناعت کلمش. طوتدیغمز اسیرلردن بالذات ایشیتدم. دییورلردی که:

— بزم پایدیغمز ظلمه قارشى سزك هر حالده بزی اولدورم جکک شهبه سزدور. فقط باری بر آتاق اول اولدورم ده قورتولهلم.

— بز سزك کی ظالم دکلز. بز سزی آرتق اولدورمه یز، زیرا بزم دیغزده امانه قلیچ یوقدر...

دیجه حریفلر حیرته قالدیلر، بر برینه باقیمشه یه باشلادیلر.

— بو پایدیغمز ظلملرك جزاسنی بز دکل، الله ویره جکدر، ناصیلکه ویردی. نامنه حرکت ایتدی کیمز صلیبکیز چکیج اولدی ده پینکزی پارچه لادی.

ضابطدن آیریلدقدن سوکرا، «سرای ایچی» دینلن مذهبه اسلامی ده کورمك ایسته دک. خرستیانلغك قرون وسطاده کی مظالمی کولکده براته جق درجه ده ظلم و شناعته اجرا کاه اولان بو بدبخت آطه نك بوکسك قواقلری، اختیار سکودلری، مظلومین اسلام ایچون سرشیلر اوقبوردی. بوتون اوغلامی، بوتون بومرشیلری دکزلره، بويوك دریالره، تاجر محیطلره قدر ایصاله اوغراشان، کیجه کوندوز لایق قطع طی مراحل ایدن «طونجه» نك ایسه نه ماتلی، نه کیندار جریانی واردی! اوطوروب اونك ماتنه همد اولق ایسته دم.

اسلام قانندن خالی بر پارچه طور اراق آرادم. نه ممکن! اغاچلردن بیله خون شهیدان داملا یوردی. شیمیدی آرتیق کندی غائب ایتش، طونجه نك کره لرینی دیکه یوردم:

— ای زائر! صلیبک بزم ساحلریمه آقتدینی بو اسلام قانلری هدر اوله جق ظن ایته. بن بونلرك هر دامله سندن فورطنه لر ایجاد ایدم جکم. بویله چالقانه چالقانه مادر یالره، بحر محیطلره قدر کیده جکم، متادیا کیده جکم. اما طولینك غنوده ساحلرینی، افریقانك، عربستانك قوملو قیلرینی، هندستانك خار و آتشین ساحلرینی بو اسلام قانلرینه بویایه جیم. بوتون اوساحلرده کین فدانلرك عصاره حیاتی بو خون مظلومین اوله جقدر...

— ای ماتلی، کینلی طونجه! سنك کی نه قدر نهرلر وار که سنلردن، عصرلردن بری اوبويوك دریالره اسلام قانی نقل ایدیورلر!...

بوتون موجودیتی درین بر تائثر قاپلادی. بوضه غایبده ده فضلّه طورده. میه جیمی آکلادم. فقط ادرنه نك نرهمی غایبدن خالی؟ هر کوشه سندن ماتم فیثیریور، هر نقطه سنده بر لوحه کریان نظرله چارپیور.

حکومت اوکندن کچوردق؛ درت قادین حکومتدن چیقوردی. بیچاره لر، هنوز مزاردن چیمهش کی بر حالده ایدیلر. آرقه لرنده قهر اسارت ایله قارارمش بر پارچه کفن ایله آیاقلرنده تناسیر تحته سندن قوپاریلش بر نطیندن باشقه نصیه حیاتلری یوق ایدی. یوزلری ایسه موتك نشانه فناسیله سورعشدی: کوزلرك فری اوچش؛ کوز قباقلرینك قالمه یه مجالی قالمش، نظرلر یره دوشمش؛

دوداقلرده قانندن، حیاتدن اثر قالمش... درت جانلی جنازه سنده له یه سنده له یه چیقیدیلر. بش، اون آدیم کتیدیلر. درمانیز دیزلری بوکولدی؛ چوکیدیلر.

— والده لر نره یلسکیز؟

— ادرنه کویلرندن اوغلم.

— نه ایچون دولاشیورسکیز بوراده؟

— (مزاردن کلن برسله) حکومتدن اکک پارمسی ایله باشلری صوقه جق بریرایسته دک. نه یاهلم، کاوورکلدی، قوجه لر مزی، اولادلر مزی کسیدی، اولر مزی یاقدی، شیمیدی سواقلرده قالدق. نه یه یه جک برلقه، اککیم، نه ده باشمزی صوقه جق بردامز وار. حکومتدن بش اون پاره ایسته دک، بلدییه یوللادیلر. قازیلی طوران مزار مزه قدر زحمت ایدوبده بزی کوتور. سهر... جوق این اوله جق.

— سراق ایتدی کیمز والده لر، شیمیدک شونکجه بر قاچ کون کچینکیز، حکومت سزه یه جکده ویره جک، اولرده یاه جق. کاوورک الدن قورتولد یغکیز. شکر ایدیکیز.

— جوق شکر اولادم الله قورتاردی. فقط هیچ کیمسه مز قالدی.

— سراق ایتدی کیمز والده لر، بوتون ملت سزك اولاد کدر. سزی نه آچ بر اقیلر، ناده اوسز.

فرداسی کون برلکده شهر ی طولاشدیغمز صرده صدر اعظم پاشا ایله برادری پاشانك وکیل امورلری تصادف ایتدی کیمز بوتون قادیلره آوچ آوچ پاره طاغیرکن بویچاره لده بر آتاق ذخیره لرینی آلمشلردی. فقط ادرنه ده بویله اولادسز، یوردسز قالان نه قدر بیچارکان واردی! مع مافیه تصادف ایدن هیچ بر قادین بوش بر اقیلمادی. زوالیلر، پاره آلامیه آلمشامش؛ آچ، جیلاق، یالین آتاق اولدقلری حالد استغنا کوستیریورلر، آلیرکن ده یوزلری قیب قیرمزی کسایوردی.

ح

صفحات محرر محترمی محمد عاکف بك افندی به

دیمتوقه دن:

۸ اغستوس ۱۳۲۹

ای محترم وجود،

«صفحات» لری اوقیور، تکرار تکرار اوقیور، اوقودجه ده آغلا یورز. نه سوز اولر، که اوقویانلرك تا قباکهنه تاثیر ایتکده، انتقام حسلرینی چاقالاندیرمقده؛

نه او نظملر، که قارئینی یرندن اویشاتمقده، قلوب مسلمینی اغلاقمقده، صیرلاتمقده در.

وار اول؛ فقط، وار اولدجه ده یاز؛ یازده، بزی، بز بیچارکانی، محتاج ارشاد اولان بیوایه کانی او یاندیر.

ایستز که، سزك آتشین قلمکیز بلغار و خرستیانلق مظالمك مصور دائیمی اولسون؛ ایستز که، او الواح فجیعه مصوره، دکل یالکیز کتابلرده، فقط، اطراف سیاه چرچیوه ایله چویرلش اولدیغی حالده، غزته ستونلرنده کورولسون، بو صورتله کتاب اوقومقدن استغنا ایدن، فقط غرته حوادثلرینه تشنه اولان بعض سطحینانكده نظریه چارپسون و بویکیلری او یاندیرسون.

یازیلرکیز، کمال اختیارله عرض ایدرز، اسلاملر آره سنده محبتی، اتحادی تأمین ایدیور. بناء علیه بو سعادت تأمین ایدن قلمه بزلر، بزالاملر مدیونز.

سزه، اردوده اسلامیت حسنك، اسلامیتك فکر و محبتك کوندن کونه تزايد ایلکده اولدیغی عرض و تبشیر ایتکله کسب شرف ایدر و دوام موقیاتکیزی الطاف سبحانیه دن استعنا ایلرز.

دیمتوقه

حقوق مشاوری ارکان حرب یوزباشی ارکان حرب یوزباشی ارکان حرب یوزباشی

...

...

...

...